

Tɔnɔ kɔlɔ Pooli na pɔpɔnti o pa
GALATI TIINƐ tɔn

Tɔnɔ kɔlɔ Pooli na pɔpɔnti o pa Galati tiinƐ tɔn na bɔɔ
 dɔbam kɔlɔ tɔn mu tɔntɔ

Pooli pɔpɔnti tɔnɔ kɔntɔ o pa WE nɔɔna balɔ na wɔ
 Galati ni tɔn mu. O dɛɛn na kaagɔ je sɔm kɔntɔ ni o
 tɔɔli WE kwɛrɛ o bɔɔ nɔɔna tɔn, badaara ki ba wɔ-dɔdɔa
 dɔ Zezi. Kɔntɔ kwaga ni, nɔɔna badonnɛ dɔ ma daa ba
 ba bɔɔ nɔɔna bam ni balɔ na dɔ Zwifɛ tɔn dɔ maɔtɔ sɔ ba
 sɛ Zwifɛ cullu tɔm, sɔ baara dɔ go dɔ ba bɛkɛri ni Zwifɛ
 cullu tɔm na bɔɔ te tɔn.

Pooli nan vɔn zaasɔm dɔm kɔntɔ, dɔ na dɔ Zezi Krisi
 kwɛr-ywɛɔ kam tɔn ɔwaantɔ. O laan ma pɔpɔnti sɔ o pa
 balɔ maama ya na ywɛri ba tɔgɔ vwan zaasɔm dɔm kɔntɔ
 tɔn, sɔ ba joori ba tɔgɔ cɔga cwɛɔ kam. O maa bɔɔ ni, kɔ
 yɔ ba na ki ba wɔ-dɔdɔa dɔ Zezi yɔ ba na o ɔwɔta kam tɔn
 (2:20) mu wɔ wantɔ kɔ pa ba maɔtɔ lanyɔranɔ WE yigɛ ni,
 sɔ kɔ dɔ ba na sɛ cullu tɔm tɔn ɔwaantɔ.

Pooli dɛ yigɛ o bɔɔ Zezi dɛɛn na bɛɔ-o sɔ o taa yɔ o
 tɔntɔɔnɔ, dɔ Zezi tɔtɔ na bɔɔ-o o kwɛr-ywɛɔ kam te tɔn.
 O bɔɔ wɔm dɔ Zezi tɔntɔɔna badaara bam na ki ni daantɔ,
 sɔ wɔm taa tɔɔtɔ dwi-gɛ tiinƐ tee ni, yɔ ba sɛ ni o zaasɔm
 dɔm tɔgɔ Zezi cɔga kam tɔn. O wɔ sɔ o jɔgɔ ni sɔ o taa yɔ
 Zezi tɔntɔɔnɔ WE na bɛɔ-o yɔ kɔ dɔ nabiinƐ tɔn ɔwaantɔ
 (pɔɔɔɔm 1-2).

O maa ma WE twaanɔ tɔlɔ na maɔtɔ tɔ pɔpɔnti faɔa
 faɔa tɔn o bɔɔ ni, n na ki n wɔ-dɔdɔa dɔ Zezi mu nɔ na
 vɔɔm, sɔ kɔ dɔ n na tɔgɔ Zwifɛ bam cullu tɔm tɔn ɔwaantɔ.
 Zezi na tɔgɔ tɔɔn-dagara baɔa ni tɔn, o pɛ dɔ laan te dɔ
 tɔtɔ, dɔ daa bɔ ta yɔ cullu gambɛ (pɔɔɔɔm 3-4).

Tɔŋɔ kum tiim jægə nı, o brı nı dı maŋı sı dı taá ħwı nı balı na te ba tıtı te tın mı. Kú maŋı sı dı pa WÉ Joro kum vaŋı dıbam kú pa dıbam ħwı-dıŋa kalı na lana tın, sı dı taá jıgı da-sono (pɔɔrım 5-6).

¹ Amı Poolı wııı na yı Zezi Krisi tıntıŋnı tın mı pıııntı tɔŋɔ kuntı. Kú dat nabiinə mı tıŋı-nı, kú nan dat nɔɔnı mı tıŋı-nı sı a taa yı Zezi Krisi tıntıŋnı. Kú yı Zezi Krisi tıtı mı kuri-nı, dıdaant dı Ko WÉ dıı na bi-o Dı pa o yađı tııntı tın.

² Dı ko-biə balı maama na wı amı tee nı tın dı jɔɔntı abam balı na yı Zezi kɔgɔ kum wı nɔɔna yı á zıırtı Galatı tıntı dım nı tın.

³ Dı Ko WÉ dı dı Yuutu Zezi Krisi wı pa abam yazurə dı yu-yoŋo.

⁴ Zezi Krisi nan mı dε dı Ko WÉ wıııŋa na lagı te tın maama yı o sε sı o tı dıbam lıwarım ħwaantı, sı o ma want o vrtı dıbam zım lıgıı baŋa wo-balwaarı tım wıntı.

⁵ Baŋa-WÉ maŋı dı zulə mı sı kú taa ve maŋa kalı na ba ti tın. Amina.

Kwər-ywəŋə kadoŋ daa tərə kú na dat Zezi kwər-ywəŋə kam yırantı

⁶ Abam na kı te tın nan mı pε amı yıra sɔɔrtı. WÉ dε Zezi Krisi ħwaantı mı Dı kuri abam zaantı sı á taá yı Dı nɔɔna, yı á laan da á zaŋı á ma á kwaga á ya dıntı, sı á daartı á sε kwər-ywəŋə kadoŋ. ⁷ Kú yı cıga mı, kwər-ywəŋə kadoŋ daa tərə, kú na dat Zezi kwər-ywəŋə kalı dı na maŋı dı brı abam tın yırantı. Amı nan tagı kuntı, beŋwaantı nɔɔna badaara mı wı abam tıtarı nı ba na kwaantı sı ba pipiri Zezi Krisi kwər-ywəŋə kam, yı ba patı á wıııŋa vugimə. ⁸ Nɔɔnı nan na tu á te yı o brı abam kwər-ywəŋə kadoŋ, yı ka dat Zezi kwər-ywəŋə kalı dı na

maɲɩ dɩ bɩɩ abam tɩn, sɩ á yɩ sɛ kɔntɔ tu. Kɔ na maɲɩ kɔ yɩ dɩbam tɩtɩ wɔ nɔɔnɔ, naa kɔ na yɩ maleka mu zɩ nuɲɩ wɛyuu, yɩ ka na bɩɩ abam kwɛr-ywɛɲɛ kadoɲ, Wɛ wɔ cɔɣɩ kɔ tu. ⁹ Amɔ nan ta wɔ joori a cɔɣɩ a ta nɩnɛɛnɩ dɩbam na maɲɩ dɩ ta kɔlɔ dɩ abam tɩn. Nɔɔnɔ na bɩɩ abam kwɛr-ywɛɲɛ kadoɲ, yɩ kɔ dat Wɛ kwɛr-ywɛɲɛ kalɔ á na maɲɩ á sɛ tɩn, Wɛ wɔ cɔɣɩ kɔ tu.

¹⁰ A na tagɩ kɔlɔ tɩn, kɔ dat nɩ a lagɩ sɩ nabiinɛ mu sɛ nɩ a na kɩ kɔlɔ tɩn maɲɩ, kɔ yɩ sɩ Wɛ mu sɛ nɩ a na kɩ te tɩn maɲɩ. A nan ba lagɩ sɩ a pa nabiinɛ wɔrɔ poli dɩ amɔ. A ya na lagɩ kɔntɔ, a bá want a taa yɩ Zezi Krisi tɩntɔɲɔ.

Kɔ na kɩ te yɩ Pooli ji Zezi tɩntɔɲɔ tɩn

¹¹ A ko-biɛ-ba, a lagɩ sɩ á lwart nɩ Zezi kwɛr-ywɛɲɛ kalɔ amɔ dɛɛn na tɔɔlɩ a bɩɩ abam tɩn wɔ nuɲɩ nabiinɛ te. ¹² Kɔ dat nabiinu mu kwe-ka o pa-nɩ sɩ a tɔɔlɩ. Nɔɔn-nɔɔnɔ nan wɔ zaasi-nɩ-ka. Kɔ yɩ Zezi Krisi tɩtɩ mu vɩɩɩ amɔ o kwɛr-ywɛɲɛ kam.

¹³ Abam maɲɩ á ni amɔ dɛɛn na tɔɣɩ Zwifɛ cullu tɩm cwɛɲɛ kam yɩ a kɩ te tɩn. A dɛɛn tiini a bɛɛsɩ Zezi nɔɔna bam, yɩ a ya kwaana sɩ a cɔɣɩ ba kɔɣɔ kum maama. ¹⁴ Kɔ na yɩ a yuu donnɛ bam wɔntɩ, a dɛɛn sɛ Zwifɛ bam cullu tɩm a dwɛni ba zanzan, amɔ dɛɛn na kwaant a tɔɣɩ dɩ nabaara bam cwe sɩm lanyɩɩɩ tɩn ɲwaantɩ. ¹⁵ Dɩ kɔntɔ maama, Wɛ kɩ-nɩ yu-yoɲo yɩ Dɩ kuri-nɩ kɔ loori ba na wɔ lɔ-nɩ tɩn. Dɩ laan ma bɛɲɩ-nɩ sɩ a taa tɔɲɩ a pa-Dɩ. ¹⁶ Maɲa kalɔ Dɩ wɔbɔɲa na lagɩ tɩn mu Dɩ vɩɩɩ-nɩ sɩ a lwart Dɩ Bu wɔm, sɩ a daart a tɔɔlɩ o kwɛr-ywɛɲɛ kam a bɩɩ dwi-gɛ tiinɛ. Maɲa kam kɔntɔ nɩ a wɔ ve a bwe nɔɔn-nɔɔnɔ woɲo ka ɲwaantɩ. ¹⁷ Amɔ wɔ ve Zeruzalem sɩ a na balɔ na maɲɩ ba yɩ Zezi tɩntɔɲa ba loori amɔ

tın. A nan yɔɔrt Arabi mɔ a vu. Kuntɔ kwaga nı mɔ a laan joori a ba Damast.

¹⁸ Bına yatɔ na ke tın, a laan ma zaɲt a vu Zeruzalem st a na Pıyeert, st dı lwart daant. A ma kɪ da fugə-yanu o tee nı. ¹⁹ Amɔ daa wɔ ne Zezi tıntɔɲnɔ wɔdoɲ a wəli da, kɔ na dat dı Yuutu Zezi nyaant Zakt yırant mɔ a nea.

²⁰ A na pɔpɔnt wənu tıɔ maama tın yı cıga mɔ. We ye amɔ wɔ. Kɔ nan dat vwan mɔ a fɔga.

²¹ Kuntɔ kwaga nı, a laan ma zaɲt a tɔlt a vu Siiri dt Silisi tınt dtm. ²² Zezi Krisi nɔɔna balɔ na wɔ Zude tınt dtm nı tın ya daa ta wɔ ne amɔ dt ba yi. ²³ Ba nan maɲt ba ni nɔɔna badaara na te amɔ taant ba wı: «Nɔɔnɔ wɔɔ deen ya na beest dibam tın laan mɔ zagt o kikiə, yı o wɔra o tɔɔlt we kwər-ywəɲə kam st o pa nɔɔna ba ba se Zezi Krisi, yı kɔ yı Zezi cwəɲə kam kuntɔ mɔ o deen kwaana st o ya cɔgt.»

²⁴ Ba na ni amɔ taant kuntɔ tın, kɔ ma pa ba zuli we lanyrant.

2

Pooli na ɲɔɔnt dt Zezi tıntɔɲna badonnə te tın

¹ Bına fugə yana na ke tın, amɔ dt Banabast ma joori dı vu Zeruzalem. A ma ja Titi dt a wəli da. ² Kɔ nan yı we mɔ bri-nı st a vu daant. A ma vu a na balɔ ba na nii nı ba yı Zezi kɔɔ kɔm yigə tiinə tın. A na ne-ba tın, amɔ dt bantɔ yırant ma jəni daant dı ɲɔɔnt, st a pa ba lwart kwər-ywəɲə kalɔ a na yəni a bri dwi-ge tiinə bam tın. Beɲwaant amɔ ba lagt st a na puli a bri kwər-ywəɲə kalɔ tın dt a ta na jıgt kalɔ a bri lele tın ji kafə.

³ Titi wɔɔ na tɔgt dt amɔ o vu Zeruzalem tın maa yı Grəkt tu. Ba nan wɔ ft-o ba pa o go nı Zwifə bam na goni ba bəkəri te tın. ⁴ Nɔɔna badaara nan mɔ wɔra ba

na pat ba yı Zezi karabiə yı ba yagı ba dat. Nɔɔna bam kuntı ya ɛɔgı mı ba zı Zezi kɔgɔ kım wı, sı ba maanı dıbam ba nii dı na ɛwt dı Zezi Krisi yı dı te dı tıttı te tın. Ba nan lagı sı ba pa dı joori dı ji gambe mı Zwifə bam cullu tım ɛwaanı. ⁵ Dı nan wı sE-ba dı fınfıtn dı, sı ba yı wantı ba cɔgı cıga kalı abam na maɛı á lwartı WE kwər-ywəɛə kam wuntı tın.

⁶ Amı dEEn na ve a ɛɔɔntı dı balı ba na wı ba yı Zezi kɔgɔ kım yigə tiinə tın, ba wı nE woɛo sı ba wəli amı zaastım dım ntı. Ba nan na sıntı ba yı yigə tiinə, naa ba na dat dı, kı dat kulıkulı dı amı, bEɛwaanı WE ba kuri nɔɔna daanı. ⁷ Bantı nan nE ntı WE mı sıntı Dı kı Dı kwər-ywəɛə kam amı jıɛa ntı sı a ja vu a brı dwi-gE tiinə, ntı Dı na kı-ka PıyEEnı jıɛa ntı sı o ma brı Zwifə bam te tın. ⁸ BEɛwaanı WE mı pE PıyEEnı dam sı o taa yı Zezi tıntıɛnı Zwifə bam ɛwaanı. Kı nan yı dıntı dı mı pE amı dam sı a taa yı Zezi tıntıɛnı dwi-gE tiinə bam ɛwaanı. ⁹ Zaktı dı PıyEEnı dı Zan balı ba na nii ntı ba yı Zezi kɔgɔ kım dıdEEna tın ma lwartı ntı, kı yı WE mı pE-ntı yu-yoɛo sı a taa tıɛı tıttıɛı dım kuntı. Kuntı ɛwaanı ba ma sE sı amı dı Banabastı taa tıɛı dı ba, yı ba ja dı jıa. Dı maama ma sE ntı amı dı Banabastı maɛı sı dı vu dwi-gE tiinə bam te mı dı brı-ba WE kwər-ywəɛə kam, sı bantı dı maɛı Zwifə bam tee ntı ba brı-ka. ¹⁰ Woɛo dıdva yırantı mı ba loori dıbam, sı dı yı swe kı ni ntı. Kı yı sı dı guli dı zəni yinigə tiinə balı na wı ba kɔgɔ kım wuntı ZeruzalEm ntı tın. Mı woɛo kulı a na tiini a kwaanı a kıa.

Pooli na brı ntı PıyEEnı kı kı wı maɛı te tın

¹¹ Kı daartı maɛa kalı PıyEEnı dEEn na tu o wı Antıɔstı ntı tın, mı amı kaan-o jaja, sı a brı-o ntı o wı kı cıga. ¹² BEɛwaanı, o na yı Antıɔstı tın, o yəni o tɔgı o

di di dwi-ge tiinə mu. Ku daari, noona badonnə na nuni Zakı-ba te ba ba daani tin, Pıyεeri laan pipiri o wubunja yi o vin si o taa togti o di di dwi-ge tiinə bam. O pɔɔri o tıti kuntu, beɲwaanti o kwari balu na bri ni wulu maama na togti we cwəɲə tin maɲi si o go ni Zwifə bam na goni ba bəkəri te tin. ¹³ Zwifə balu na tu ba se Zezi tin badaara di ma ji pipiri-nyina ni Pıyεeri na ki te tin, yi Banabast di yagi o tıti o pa ba ja-o ba zu ba pipirim dim wuni. ¹⁴ Kuntu mu a ne ni ba daa ba togti cıga kalu we kwər-ywəɲə kam na bri tin. A laan ma zıgti ba maama yigə ni, yi a ta di Pıyεeri a wi: «Nmυ yi Zwifu mu, yi n ki ni n yi dwi-ge tu mu te yi n daa ba togti Zwifə cullu tim. Beε nan mu yi n laan lagt si n fin dwi-ge tiinə bam si ba se Zwifə bam cullu tim?»

¹⁵ Ku yi cıga mu, dibam yi Zwifə bam tıti dwi mu, si di dat dwi-ge tiinə balu na yəri we cullu tim tin. ¹⁶ Di ku di, dibam laan tu di lwart ni noonu wu na cıga we tee ni mu di o na ki o wu-dıɖa di Zezi Kisi yıranı, si ku dat ni o na se cullu tıɖ we na pe Zwifə bam tin ɲwaanti. Kuntu tin, di tu di ki di wu-dıɖa di Zezi Kisi si ku pa di na cıga mu we tee ni, beɲwaanti ku puɖu ni ku wi: «Noon-noonu ba wanti o na cıga we tee ni di cullu tim seem ɲwaanti.»

¹⁷ Dibam balu na ɲwi di Zezi Kisi tin jıgti tına ni di wu na cıga we tee ni. Ku nan ya na yi cıga ni dibam balu na ba togti Zwifə bam cullu tim tin yi non-balwaaru mu we yigə ni, ku bri ni Zezi tıti mu gani dibam si di tusi na? Aye. Ku dat kuntu. ¹⁸ Amu nan na joori a pipiri a se Zwifə cullu tim a ya na maɲi a yagi ti togtim tin, ku bri ni a yi noonu wulu na ki o cɔgti cullu tim tin mu. ¹⁹ We cullu tim tıti mu bri ni amu nyi di noonu wulu na tıgti tin mu te, ti nan daa ba jıgti dam amu baɲa ni Zezi na vri-ni tin ɲwaanti. Ku nan ki kuntu, si ku pa

a taa ɣwɪ WƐ ɣwaantı mʊ. ²⁰ Ba dƐƐn na pagɪ Zezi Krisi tʊʊn-dagara baɲa nı tɪn, kʊ nyɪ dɪ amʊ tɔɔɪ dɪd-o mʊ a tɪ. Kʊ daa daɪ amʊ tɪtɪ mʊ ɣwɪ, kʊ yɪ Zezi Krisi mʊ ɣwɪ a wʊnɪ. A na jɪɔɪ ɣwɪa kalɪ lele kʊntʊ lʊɔʊ baɲa nı tɪn, kʊ yɪ a na kɪ a wʊ-dɪdʊa dɪ WƐ Bu Zezi tɪn ɣwaantı mʊ. Wʊntʊ mʊ soe amʊ, yɪ o sƐ o tɪ amʊ ɣwaantı. ²¹ A b́a sƐ st a vɪn WƐ pƐƐrɪ dɪlʊ Dɪ na pƐ-nɪ zaantı tɪn. Nɔɔnʊ ya na ẃ wantı o na cɪga WƐ tee nɪ o na tɔɔɪ Dɪ cullu tɪm tɪn ɣwaantı, kʊ brɪ nɪ Zezi Krisi tʊʊnɪ dɪm ya yɪ kafɛ mʊ.

3

Dɪ na kɪ dɪ wʊ-dɪdʊa dɪ Zezi mʊ dɪ ẃ na cɪga WƐ tee nɪ

¹ Abam Galatı tiinə-ba, á kikiə nyɪ dɪ ba tulimi abam mʊ ba pa á swan daa tərə te. Ba dƐƐn tɔɔɪ ba brɪ abam jaja kʊ na kɪ te yɪ Zezi Krisi tɪ tʊʊn-dagara kam baɲa nı tɪn. ² A nan lagɪ a bwe abam woɲo dɪdʊa yɪrantı mʊ a nii. Abam dƐƐn na joɲi WƐ Joro kʊm yɪ kʊ wʊ á wʊnɪ tɪn, kʊ yɪ á tɪtʊɲa na tɔɔɪ cullu tɪm tɪn ɣwaantı mʊ na? Awo. Kʊ yɪ á na ni WƐ kwər-ywəɲə kam yɪ á sƐ tɪn ɣwaantı mʊ. ³ BƐƐ mʊ yɪ á ba jɪɔɪ swan kʊntʊ? Abam na puli á tɔɔɪ Zezi dɪ WƐ Joro kʊm dam tɪn, á laan lagɪ st á pipiri á da-o dɪ á tɪtɪ dam mʊ á vu á guri na? ⁴ Wəənu tɪlʊ maama na kɪ abam tɪtari nɪ tɪn ẃ ji kafɛ mʊ na? Aye. Amʊ bʊɲɪ nɪ tɪ b́a ji kafɛ. ⁵ WƐ na pƐ abam Dɪ Joro kʊm yɪ Dɪ daartı Dɪ kɪ wo-kɪnkagɪla abam tɪtari nɪ tɪn, Dɪ kɪ kʊntʊ abam tɪtʊɲa na tɔɔɪ cullu tɪm tɪn ɣwaantı mʊ na? Aye. Kʊ yɪ á na ni WƐ kwər-ywəɲə kam yɪ á kɪ á wʊ-dɪdʊa dɪ Zezi tɪn ɣwaantı mʊ.

⁶ Kʊntʊ mʊ kʊ pʊpʊnɪ WƐ tɔɔɔ kʊm wʊnɪ kʊ wɪ: Abraham kɪ o wʊ-dɪdʊa dɪ WƐ, yɪ WƐ pa o na cɪga kʊ ɣwaantı. ⁷ Kʊntʊ mʊ ẃ pa á lwartı nɪ Abraham dwi tiinə

cıga cıga yı balı na kı ba wu-dıdva dı WE tın mu. ⁸Faña faña tın ku maıt ku pıpıntı WE tıncı kım wıntı ku wı: WE wú pa dwi-ge tiınə dı na cıga Dı tee nı, dı ba na kı ba wu-dıdva dı Dı tın ıwaantı. Mu ku kuri WE de yığə Dı ta Dı kwər-ywənjə kam dı Abraham Dı wı: «Amu wú ta nmu ıwaantı mu a kı lıgı baña dwi maama lanyırantı.» ⁹Kuntı tın, balı maama dı na kı ba wu-dıdva dı WE nı Abraham deen na kı o wu-dıdva dı Dı te tın, WE dı wú kı-ba lanyırantı.

¹⁰Ku daarı balı na tıgı cullu tım sı ba ma na cıga WE tee nı tın wú na cıgım. Beıwaantı ku pıpıntı WE tıncı kım wıntı ku wı: «Wılb maama na wu tıgı kulı maama na pıpıntı ku kı WE cullu tıncı kım wıntı tın, WE wú cıgı kuntı tu.»

¹¹Dı nan ye lanyırantı nı, ncıncıncı bá na cıga WE tee nı dı o na tıgı cullu tım tın ıwaantı. Ku nan pıpıntı ku wı: «Wılb na jıgı cıga WE tee nı tın mu yı wılb na kı o wu-dıdva dı Dı tın, oó na ıwıta cıga cıga.» ¹²Ncıncı na tıgı cullu tım ku dat nı o kı o wu-dıdva dı WE, nı ku na pıpıntı ku wı: «Wılb na kı WE cullu tım na bı te tın wú na ıwıta ku ıwaantı.»

¹³Dıbam nan na wu kı kulı maama WE cullu tım na bı tın, dı maıt sı dı na cıgım mu. Zezi Krisi nan mu tıgı tıbn-dagara kam baña nı o ma lı dıbam cıgım dım kuntı wıntı. WE ma pa Zezi lani dıbam yuu nı o na cıgım dılb dıbam ya na maıt sı dı na tın. Ku yı nı ku na pıpıntı ku wı: «Wılb maama ba na gı ba læ daa yuu nı tın, WE mu cıgı kuntı tu.» ¹⁴Zezi Krisi deen se o tı kuntı doı mu, sı ku wantı ku pa WE kı dwi-ge tiınə dı lanyırantı, nı Dı deen na goni nı dı Abraham te tın. Kuntı ıwaantı dıbam wú wantı dı jıjı WE Joro kım, nı Dı na goni nı sı Dı pa dıbam te tın, dı na kı dı wu-dıdva dı Dı tın ıwaantı.

WE na goni ni Dı pa Abraham te tın

¹⁵ A ko-biə-ba, a lagı a ma lıgı baŋa woŋo mı a ma brı abam WE cıga kam na yı te tın. Nɔɔna bale na kı ni dıdva ba go ni ba pa daantı woŋo baŋa nı, nɔɔn-nɔɔnɔ daa bá want o cɔgtı ba ni dım kuntı, naa o kı woŋo kudoŋ o daa wəli da. ¹⁶ WE dɛɛn na goni ni dı Abraham tın, kı yı dı o naa kım dı mı. Kı na pıpıntı te tın, kı wı tagı nı o naarı. Kı pıpıntı kı wı o naa mı. Kı brı nı kı yı nɔɔnɔ dıdva taantı mı, yı o naa kım kuntı mı yı Zezi Krisi. ¹⁷ Kılbı amı na lagı a ta tın mı yı sı, WE dɛɛn goni ni dı Abraham, yı kuntı kwaga nı, bına biə yana dı fiintɔ (430) laan na kɛ tın, Dı daa ma kwe Dı cullu tım Dı pa Zwifə bam. WE cullu tım kuntı nan bá want tı cɔgtı ni dılbı Dı ya na maŋı Dı go dı Abraham tın. Tı bá want tı pa Dı ni-gonim dım ji kafɛ. ¹⁸ WE ya na pɛ nɔɔna Dı pɛɛrı dım ba na tɔgtı Dı cullu tım tın ŋwaantı mı, Dı ni-gonim dım ya daa ba jıgtı kuri. Dı nan ye nı, WE pɛ Abraham Dı pɛɛrı dım Dı na goni ni dıd-o tın ŋwaantı mı.

WE cullu tım kuri na yı te tın

¹⁹ Kı nan na yı kuntı, bɛŋwaantı mı yı WE kwe Dı cullu tım Dı pa Zwifə bam? Dı kwe-tı Dı wəli Dı ni-gonim dım nı, sı kı want kı pa dı lwartı kılbı na yı lwartım tın mı. Dı cullu tım dɛɛn maŋı sı tı taa wıra, sı kı vı kı yı maŋa kam Abraham naa kım na wı ba lıgı baŋa tın mı. Wıntı mı yı wılbı WE na goni Dı ni dım o ŋwaantı tın. WE dɛɛn tɔgtı Dı maɛsı sım jıŋa mı Dı kwe Dı cullu tım Dı pa Dı nɔɔna bam, yı yıginu dɛɛn mı wı bantı dı WE tıtarı nı. ²⁰ Yıginu na wı nɔɔna bale tıtarı nı, o ba wıra nɔɔnɔ dıdva ŋwaantı, WE nan yı dıdva mı. Dı na goni Dı ni dı Abraham tın, Dı yɔɔrı Dı ŋɔɔntı dı Abraham tıttı mı.

²¹ Kuntı maama nan brı nı WE cullu tım wart tı maıı dı Dı ni-gonim dım mı na? Awo, kı dat kuntı. Cullu tərə tı na wú want tı pa nɔɔna na ıwta WE tee nı. Cullu tıntı doı ya na wıra, tı ya wú want tı pa nɔɔna na cıga WE tee nı. ²² WE tɔnɔ kım nan brı dıbam nı nabiinə maama wı lwarım dam kuri nı mı. Kuntı, kı yı balı na kı ba wı-dıdva dı Zezi Krisi tın yıtrant mı wú jıjı pɛɛrı dıı WE na goni ni sı Dı pa balı na jıjı wı-dıdva dı Dı tın. ²³ Kı daartı, kı na wú loori sı Zezi ba sı dı kı dı wı-dıdva dıd-o tın, dıbam dɛɛn nyı nı dı wı pına digə nı mı te, cullu tım na cəjı dıbam tın ıwaaıtı, yı kı vı kı yı maıa kalı WE na vıtrı dıbam dı na kı dı wı-dıdva dı Dı te tın. ²⁴ Kuntı mı cullu tım dɛɛn jıjı dıbam tı kweə, sı kı vı kı yı maıa kam dı na lwarı Zezi Krisi tın, sı dı laan na cıga WE tee nı dı na kı dı wı-dıdva dıd-o tın ıwaaıtı. ²⁵ Dıbam laan nan na kı dı wı-dıdva dı Zezi tın, woıo daa tərə kı na wú ta te dıbam.

²⁶ Abam na ıwı dı Zezi Krisi tın, á maama yı WE bıə mı á na kı á wı-dıdva dı Dı tın ıwaaıtı. ²⁷ Abam wııı maama ba na miis-o na wıntı tın laan ıwı dı Zezi Krisi mı, yı o nyı dı Zezi tıtı mı te. ²⁸ Kuntı tın, kampwara daa təri Zwıfu dı dwı-gɛ tu laıa nı. Kampwara nan ta təri gamba dı wııı na te o tıtı tın laıa nı. Kampwara nan təri baarı dı kaantı laıa nı dı. Abam na ıwı dı Zezi Krisi tın, á maama yı woıo dıdva mı. ²⁹ Abam na yı Zezi Krisi nɔɔna tın, kı pɛ á tɔıı á yı Abraham naarı mı, yı á wú jıjı pɛɛrı dıı WE na goni ni sı Dı pa Abraham naarı tım tın.

4

¹⁻² Kııı amı na lagı a ta tın, kı nyı dı bu na wú ba o jıjı o ko sɔıı o ta te te tın mı. Wıntı ta na yı bu maıa kalı tın, nɔɔna mı yəni ba nii o baıa nı, o ta ba

te o tıttı, yı ba nan ye nı wuntı mı wú ba o taa te o ko wım wənu tım maama. O na yı bu kuntı tın, nɔɔna mı wıra ba na nii o wənu tım baɲa nı ba pa-o, sı kú taa ve maɲa kam o ko wım na pɛ ni sı o taa te o wənu tım tın. ³ Kú nan yı bıdwı mı dı dıbam dı. Dı dɛɛn ta na wı lwarı WE ɔıga kam na yı te tın, lıgı baɲa wo-yɔɔrı mı te dıbam nı dı yı gambɛ mı te. ⁴ Kú daartı, maɲa kam dı Ko WE na lagı tın na sıntı ka yı tın, Dı tıɲı Dı tıttı Bu mı yı o ba lıgı baɲa. O na tu tın, kú yı kaantı mı lıg-o, yı o ba o sɛ o tɔɔı WE cullu tım, ⁵ sı o wantı o vrı nɔɔna balı cullu tım na te tın. O ma ɲwı dı lwarım jıntı sı kú pa dı wantı dı ji WE bıə. ⁶ Á nan na sıntı á ji WE bıə tın, Dı laan tıɲı Dı Bu wım Joro mı sı kú ba kú taa wı á bıcara nı, yı kú paı dı bə WE nı dı Ko Baba. ⁷ Kuntı maa brı nı dı daa daı gambɛ, sı dı laan yı WE bıə mı. Dı nan na yı WE bıə kuntı tın, WE wú pa dı taá te wo-laarı tılv maama Dı na tıɲı sı Dı pa Dı bıə bam tın.

Pooli na jıgı liə Galatı tiinə bam ɲwaantı te tın

⁸ Faɲa faɲa tın, abam dɛɛn ya yəri WE, yı á pa lıgı baɲa wo-yɔɔrı te abam nı á yı gambɛ mı te. Abam dɛɛn paı tı yı wa mı, yı tı yagı tı daı kılɔkılɔ. ⁹ Kú daartı lele kuntı abam laan tu á lwarı WE. Kú nan na yı ɔıga, WE lwarı abam. Bɛɛ nan mı yı á laan bıɲı sı á daa joorı á taá zuli lıgı baɲa wo-yɔɔrı tılv na ba jıgı dam yı tı ba jıgı kırı dı tın? Bɛɲwaantı mı á lagı sı á joorı á ba á taá yı tı gambɛ? ¹⁰ Abam yəni á kırı da yadonnə sı á taá zuli-ya, dı cantı sıdonnə dı mıme sıdonnə bıntı wıntı dı bına yadonnə dı. ¹¹ Amı jıgı liə mı abam ɲwaantı, sı dɛdoɲ amı tıtvɲa yam maama a na tıɲı abam tee nı tın wú ji kafɛ.

¹² A ko-biə-ba, a loori abam sı á taá lwəni amv á tɔɔt WE nı amv na tɔɔt-Dı te tın, bɛɲwaant amv dı yı nı abam na yı te tın mv. A dɛɛn na wv abam tee nı tın, á wv kɪ-nı kvlvkvlv á cɔɔt. ¹³ Á wv want á guli nı, kv yı amv yawıv kum ɲwaant mv pɛ a maɲt abam tee nı a puli a tɔɔlt WE kwər-ywəɲə kam a brı abam. ¹⁴ Dı kuntv dı, a yawıv kum na tiini kv yaart abam te tın, á wv sɛ sı á yáalt-nı, á nan wv yagı-nı. Abam nan kɪ-nı lanyırant nı WE malɛka mv te, yı á joɲi-nı lanyırant nı Zezi Krisi tıttı mv te. ¹⁵ Abam dɛɛn jıɔt wvpolo dı amv. A ye lanyırant nı, á na jıɔt wvpolo dı amv te tın, á ya na wat á yıə tıttı dı á lənə, á ya wv ləni-ya á pa-nı. Bɛɛ nan mv kɪa yı á wvpolo kum kuntv je? ¹⁶ Amv nan na tagı cıga dı abam tın laan mv pɛ a ji á dvm na?

¹⁷ Kv nan na yı nɔɔna balv na pipiri WE cıga kam yı a maɲt a ta ba taant tın, bantv kwaant sı ba pa á wvbɔɲa taa tɔɔt-ba mv, yı kv nan ba zəni abam. Ba lagı sı ba cɔɔt amv dı abam mv daant, sı á daart á taá tɔɔt bantv. ¹⁸ Nɔɔnv na kwaant o tɔɔt wvlv na tɔɔt cıga lanyırant tın kwaga, kuntv lana. Kv lana sı á taá tɔɔt o kuntv maɲa maama mv, sı kv wv maɲt sı kv taa yı maɲa kalv yırant amv na wv ta wv abam tee nı tın.

¹⁹ A biə-ba, amv daa ta tiini a jıɔt yaara abam ɲwaant, nı kaant na vri pugə te tın mv. Amv nan wv ta jıɔt liə kuntv dı abam, sı kv vu kv yi maɲa kam á na wv ta ɲwı nı Zezi Krisi na lagı te tın. ²⁰ Amv ya tiini a lagı sı a taa wv abam tee nı mv lele kuntv, sı a want a fɔɔt a ɲɔɔnt wəənu tım kuntv a brı abam, sı kv zəni abam. Bɛɲwaant amv daa yəri kvlv a na wv ta a brı abam tın.

Agaart dı Sara mımaɲa yam na brı dıbam kvlv tın

²¹ Abam balv na lagı sı á sɛ WE cullu tım, á daa ta wv lwart WE cullu tɔɔt kum na brı te tın. ²² WE tɔɔt kum

bri dıbam nı dı nabaaru Abraham dEEn jıgı bəkəri sıle mu. O lıgı dıdva kam dı gamba-kana na wu o sɔŋɔ nı tın. Ku daartı o tıttı kaantı wum dı ma lu bəkərə o wəli da. O tıttı kaantı wum yırtı mu Sara, ku daartı wulu na yı gambaa tın yırtı mu Agaartı. ²³ Bəkərə kalu gamba-kana kam na lıgı tın lura kam de nabiinə lura cwəŋə na yı te tın mu. Ku daartı bəkərə kalu o tıttı kaantı wum na lıgı tın, ku yı WE na goni ni Dı pa-o nı oó lu tın ɣwaantı mu o lıga. ²⁴ Ku maa yı nyınyubı mu dı kaana bam kuntu bale, sı ku bri dıbam cwe sıle tɔgım na yı te tın. Kaana bale bam kuntu ta bri dıbam WE na goni Dı ni Dı pa Dı nɔɔna bam kuni bıle te tın mu. Agaartı mu nyı dı cullu tılu WE na pe Zwifə bam Sinayi piu kum yuu nı tın. Balu na tɔgı cullu tım kuntu tın nyı dı gambE mu, nı Agaartı dı o biə na yı gambE te tın. ²⁵ Agaartı mu nyı dı Sinayi piu kum, ku na wu Arabi nı tın. Zwifə bam dı nan tɔgı cullu tılu WE na pe dáantı tın mu. Kuntu tın, ZeruzalEm na wura zım dı ku nɔn-biə bam maama tın, ba dı yı gambE mu, cullu tım na te-ba tın ɣwaantı. ²⁶ Ku nan na yı WE tıttı tıv ZeruzalEm kulı na wu weyuu nı tın, kuntu yı tıv kulı dıbam na yı ku nɔn-biə tın mu. Ku maa nyı dı dıbam nu wulu na lıgı dıbam yı dı dai gambE, nı Sara dEEn na lıgı o bu wum yı o dai gambaa te tın. ²⁷ Ku pıpıntı WE tɔnɔ kum wıntı ku wı:

«Nmı wulu na yı ka-dıgı yı n wu jaantı pugə n lu tın, ta n kı wıpolo sı n ta n caka, nmı na wı dı ywəni tın ɣwaantı.

Bɛɣwaantı kaantı wulu barı ya na yag-o tın laan wı ba o taa jıgı biə zanzan o dwəni kaantı wulu na jıgı barı tın.»

²⁸ A ko-biə-ba, ku na yı abam, á laan jıgı WE tıttı biə mu Dı ni-gonim dım ɣwaantı, nıneEntı Sara bu Yizakı lura kam na de te tın. ²⁹ Faŋa faŋa tın, Abraham bu wulu lura

kam na dE nabiinE lura na tɔgtı te tın mu bEeEı o bu wulı lura na tɔgtı WE Joro kum wubıya na yı te tın. Dı zım maama dı, WE tıtı biE bam ta nat bEeEa kuntu doŋ mu. ³⁰ WE tɔnɔ kum nan brı dıbam ku wı: «Zeli kaantı wulı na yı gambaa tın dı o bu wum, sı ba nuji n sɔŋɔ nı. BEŋwaantı ku wı maŋı sı bu wum kuntu tɔgtı dı n tıtı kaantı wum bu wum o taa te nmı wænu tım.»

³¹ Kuntu, a ko-biE-ba, dı na yı WE biE tın, ku brı nı dı yı Abraham tıtı kaantı wum biE mu, yı dı te dı tıtı, sı dı dat gambaa kam biE.

5

Zezi Krisi na lagtı sı dı taá te dı tıtı te tın

¹ Zezi Krisi na vrı dıbam o yagtı tın, ku yı sı dı taá te dı tıtı mu. Kuntu ŋwaantı á fɔgtı á cı á tıtı, sı á daa yı sE á tɔgtı cwəŋə kalı na wı pa á joorı á ji gambE tın.

² Nan cəgi-na amı Pooli na lagtı a ta kulı dı abam tın. Abam na sE sı ba go abam nı Zwifə bam cullu tım na brı sı ba go ba bəkəri te tın, á daa ba jıgtı nyɔɔrı Zezi Krisi tee nı. ³ A ta lagtı a ta a brı abam jaja nı, abam wulı maama na sE sı ba go-o tın, kuntu tu maŋı sı o sE Zwifə bam cullu tım maama mu. ⁴ Abam balı na buŋı sı á na cıga WE tee nı cullu tım tɔgtım ŋwaantı tın, abam pɔɔrı mu dı Zezi Krisi, yı o zaantı dım daa təri á tee nı.

⁵ Ku daarı WE Joro kum nan wı dıbam balı na kı dı wı-dıdva dı Zezi tın tee nı, yı dı jıgtı tına lanyırantı nı dı wı na cıga WE tee nı. ⁶ Dı na ŋwı dı Zezi Krisi tın, dı na goni dı bəkəri naa dı zı wı goni dı, ku dat kulıkulı. Woŋo kulı nan na jıgtı kuri tın mu yı sı dı taá jıgtı wı-dıdva dı Zezi, sı ku pa dı taá soe daantı lanyırantı.

⁷ Abam dEEn yɔɔrı á tɔgtı WE cwəŋə lanyırantı mu. Wɔɔ nan mu cıgtı á cwəŋə sı á daa yı sE WE cıga kam?

⁸ Wulı na brı abam kuntu tın, ku dat WE dıı na bəji

abam sı á taá tɔgt-Dı tın. ⁹ Kú nyı nı dí na yəni dí tɛ te dí wı: «Dabılı fınfıtn na wú dıpe mun-lɛɛrı wɔnı, kú pa dı maama fılı mɔ.» ¹⁰ Dıbam maama na ɣwı dı dí Yuutu Zezi Krisi tın, amı ye nı dí wú ta jıgt wıbbıɣ-dıdva mɔ. Wılb nan na jıgt abam wıbbıɣa o vugimi tın, WE wú cɔgt kuntu tu o kəm-balɔɔ kum ɣwaant, dı o na maɣı o yı te dı.

¹¹ A ko-bıə-ba, amı ba brı nı, nɔɔnı na tɔgt WE, o maɣı sı o go. A ya na brı kuntu doɣ, nɔɔna bá bɛɛst-nı a zaastm dım ɣwaant, bɛɣwaant a na brı Zezi na tıgt te tıbn-dagara kam baɣa nı tın ya bá ta yı ta-lɔɣɔ dı nɔɔna. ¹² Amı nan na bıɣı te tın, kú yaá ta lana sı balı na jıgt abam ba yaara dı gwəɣə kam tın lɛ ba lwı ba tıttı ba wəlı da, sı kú ta dat ba bəkəri gonim yıranı.

¹³ A ko-bıə-ba, WE na bəɣı abam sı á taá tɔgt-Dı tın, kú yı sı á laan taá te á tıttı mɔ. Á nan na sıntı á te á tıttı kuntu tın, kú dat nı á wú ta kı wo-yɔɔrɔ tılb maama á wıbbıɣa na lagı tın. Á nan taá tiini á zəni daant dı sono. ¹⁴ Bɛɣwaant WE nıə yam maama brı woɣo dıdva mɔ, nı nɔɔnı maɣı sı o taa soe o doɣ nı o na soe o tıttı te tın. ¹⁵ Abam nan na jıgt daant nı vara na yəni ba jıgt daant yı ba dıntı daant te tın, á taá ye sı á wú ba á cɔgt daant dıdva dıdva á ti.

WE Joro kum na patı dí tɔgt cwəɣə kalı tın

¹⁶ Nan cəɣı-na kılb kum a na lagı a ta tın. Pa-na WE Joro kum taa vatı abam á ɣwıa maama wɔnı, sı á yı taá sɛ á tɔgt wo-yɔɔrɔ tılb á fra na zıbrı tın. ¹⁷ Bɛɣwaant nabiinə wıbbıɣa na lagı kılb tın ba jıgt fra dı WE Joro kum. WE Joro kum dı fra na zıbrı kılb tın dı nan ba jıgt fra dı nabiinə. Kú maa brı nı wənu tım kuntu tıle wıbbıɣa wartı ya maɣı daant. Kú ma pa á daa wartı á

wubbuŋa wænu á kɪ. ¹⁸ WƐ Joro kum nan na vanɪ abam, cullu tım daa wɔ maŋɪ sɪ tɪ taa te abam.

¹⁹ Nabiinə wubbuŋa na lagɪ sɪ ba taa kɪ wænu tɪɭ tɪn mu tɪntu, tɪ yɪ jaja mu: kɪ yɪ boorim dwi maama, dɪ wo-digiru tɪtuŋa, dɪ wo-zɔɔna kənə dwi maama, ²⁰ dɪ jwənə kaanɪm, dɪ liri dim, dɪ ka culi daanɪ, dɪ ka ja daanɪ, dɪ wɔ-guɔ, dɪ ban-zɔŋɔ, dɪ ka beeri ka yɪratu zənə, dɪ ka yɪ sɛ daanɪ, dɪ ka pɔɔrɪ daanɪ, ²¹ dɪ wo-swənə, dɪ sa-nyɔrɪ, dɪ nɔn-kwəlɪm, dɪ ka kɪ wo-yɔɔru tɪdonnə. A nan ta wɔ fɔgɪ a kaanɪ abam a wəli da nɪ, balu na yəni ba kɪ wænu tɪm kuntɔ dwi tɪn, ba bá tɔgɪ ba zɔ WƐ paarɪ dɪm wɔnɪ.

²² Kɪ daart WƐ Joro kum na pat nɔɔna yɪ te tɪn mu tɪntu: Kɪ pat nɔɔna jɪgɪ sono mu, dɪ wɔpolo, dɪ wɔ-zuru, dɪ ban-pɔnɔ, dɪ da-zulə, dɪ lanyɪrant kəm, dɪ cɪga tɔgɪm, ²³ dɪ wɔ-bono, dɪ ka ja n tɪtɪ. Culu nan tərə kɪ na vɪn wo-laarɔ tɪntu. ²⁴ Kɪ na yɪ dɪbam balu na yɪ Zezi Kriɪ nɔɔna tɪn, dɪ lɪ dɪ wubbuŋ-doorə yam dɪ yagɪ, yɪ ya daa ba te dɪbam sɪ dɪ taá kɪ wo-yɔɔru tɪɭ dɪ fra na zɔɔrɪ tɪn. ²⁵ WƐ Joro kum na pɛ dɪ na ŋwɪ-dɔŋa tɪn, dɪ pa-na kɪ taa vanɪ dɪbam dɪ ŋwɪa maama wɔnɪ. ²⁶ Dɪ nan yɪ kɪ kamunni da-yɪrant sɪ dɪ pa da-wɔru zaŋɪ naa dɪ taa jɪgɪ wɔ-guɔ daanɪ.

6

Dɪ na maŋɪ sɪ dɪ taá zəni daanɪ te tɪn

¹ A ko-biə-ba, á na nɛ nɪ nɔɔnɔ kɪ kəm o tusi, abam balu WƐ Joro kum na vanɪ tɪn maŋɪ sɪ á zuri á yɪra mu á brɪ-o dɪ wɔ-bono, sɪ o joori o tɔgɪ cɪga cwəŋə. Á nan taá yɪrɪ á tɪtɪ, sɪ kɪ yɪ zaŋɪ kɪ pa abam dɪ daa tusi. ² Á taá zəni daanɪ á cana wɔnɪ, sɪ á na kɪ kuntɔ mu á sɛ Zezi Kriɪ ni dɪm o na pɛ tɪn.

³ Abam wulv na buɲɲi o paɪ o yi kamunu yi o yaɣɪ o daɪ kulɔkɔlv tɪn, kuntu tu gani o titi mv. ⁴ Nɔɔnv maama maɲɪ si o taa nii o titi tituɲa na yi te tɪn mv. Kuntu tu nan na nɛ ni o tituɲa yam lana, o laan wɔ want o taa jɪɣɪ wɔpolo di o titi na ki kulv tɪn má, kɔ daɪ si o kwe o maɲɪ di o doɲ tituɲa na yi te tɪn. ⁵ Beɲwaani nɔɔnv maama maɲɪ si o tuɲɪ tituɲɪ dilv WE na pɛ-o tɪn mv.

⁶ Nɔɔnv wulv ba na zaas-o WE taani tɪn maɲɪ si o ki o na jɪɣɪ kulv tɪn mv o pa wulv na zaas-o tɪn.

⁷ Á yi zaɲɪ á gani á titi, si nɔɔn-nɔɔnv bá want o səgi o na ki kulv tɪn WE yigə ni. Nɔɔnv tituɲa na wɔ pa o na nyɔɔri dilv tɪn nyɪ di valv na dugi o kara yi o maɲɪ si o joori o ba o zaɣɪ wəenu tɪlv dwi o na dugi tɪn mv. ⁸ Nɔɔnv nan na tuɲɪ wo-yɔɔrv tɪlv o titi wubɔɲa na lagɪ tɪn, o nyɔɔri mv wɔ ba taa yi tɔvni. Kɔ daari nɔɔnv nan na tuɲɪ tituɲa yalv WE Joro kum wubɔɲa na lagɪ tɪn, kuntu tu nyɔɔri mv wɔ ta yi WE ɲwi-dɔɲa kalv na ba tiə Di Joro kum na wɔ pa-o tɪn. ⁹ Kuntu ɲwaani, dí nan yi pa yawɔɔ zu dɪbam si dí yaɣɪ lanyɪranti kəm. Dí na fɔɣɪ dí zɪɣɪ kəɲkəɲ, dí laan wɔ ba dí na nyɔɔri dilv na lana tɪn. ¹⁰ Kuntu ɲwaani, dí na nɛ pwələ maɲa di maɲa, dí maɲɪ si dí taá ki lanyɪranti di nɔɔna maama, kɔ na dwe didi di dí ko-biə balv di na jɪɣɪ wɔ-dɪdva di Zezi Kriɪ tɪn.

¹¹ Nii-na, amv titi laan mv mɛ ajiɲa a pɔpɔni pɔpɔn-bu-kamunə yantv si a pa abam.

¹² Kɔ na yi nɔɔna balv na kwaani si ba fiɪ abam si á taá gonə Zwifə bam cullu tum ɲwaani tɪn, bantv yi balv na lagɪ si ba na yɪri mv nɔɔna tee ni di ba na ki ba titi te tɪn. Ba nan ba lagɪ si nɔɔna taa beɛsi-ba. Kuntu ɲwaani mv ba bá sɛ si ba bri nɔɔna ni WE wɔ vrɪ-ba lwartm wɔni Zezi Kriɪ na tɪɣɪ tɔvni-dagara kam baɲa ni

tın ɲwaant. ¹³ Balu bam ba na se sı ba taa goni tın tıttı nan ba tɔgtı WE cullu tım cıga cıga. Ba nan lagtı sı ba pa abam dı se gwəɲə kam mu, sı ku pa ba na cwəɲə ba taa ɲɔɔntı ba magı ba nyɔɔna nı abam se á go nı bantı te.

¹⁴ Ku nan na yı amu, woɲo kulı yıtrantı amu na wú ta jıgtı a ɲɔɔntı dı wɔpolo tın yı dı Yuutu Zezi Krişı na tıgtı tıɔn-dagara kam baɲa nı o ma vrı nɔɔna te tın mu. Ku nan yı Zezi Krişı tıɔn-dagara kam ɲwaantı lıgtı kuntu wəənu tım nyı nı tı tıgtı mu, tı daa ba jıgtı kuri dı amu, yı a dı nyı dı tı mu dı wəənu tıntı. ¹⁵ Nmu na gonə, naa n na wı goni dı, kuntu daı kulıkulı. Woɲo kulı nan na jıgtı kuri tın mu yı sı n na ɲwı-dıɲa WE tee nı. ¹⁶ Ku nan na yı balu na se kwıə yam kuntu tın, WE wú pa-ba wı-zuru yı Dı duri ba ɲwaɲa lanyıtrantı, ku wəli dı balu maama na yı Dı tıttı nɔɔna cıga cıga tın.

¹⁷ A daa ba lagtı sı nɔɔn-nɔɔnu joorı o yaartı-nı, beɲwaantı amu na maɲı a jıgtı ɲwandaala yaıı a yıra nı tın brı nı Zezi mu te-nı.

¹⁸ A ko-bıə-ba, dı Yuutu Zezi Krişı wú pa abam yu-yoɲo. Amina.

WE TONŌ dī kasım

Kasem (Kassem): WE TONŌ dī kasım New Testament

copyright © 1997 Wycliffe Bible Translators, Inc.

Language: (Kasem)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 25 May 2022

993cfae5-b100-5981-87e7-5a648d773cb9